

Shu phah Whatsapp
ne Phone ha une
u Number
8794745117

❖ Ki Classified Advertisement
❖ Ki Display Advertisement

Ban pynmih ha ka Kotkhubor
Sa siew Online Payment

Mawphor

Khabor Khasi Ba Nyngkong Ba Man Ka Sngi

READINGTON
Restaurant
Bed & Breakfast

Mawlai Mawiong Rim
Shillong, Meghalaya

81320 00254 / 93781 87148
/87875 66272

VOL. XXXVII (37) NO. 043 RNI REGD. NO. 70648/99 SHILLONG - 15 RYMPHANG (FEBRUARY) SNGI U BLEI (SUNDAY) 2026 mawphor.com Postal Regn. No. NE - 851. 5/- TYNGKA

Manla ki jaitbynriew ki synniang da kaba buh hakhmat eh ia ka bha ka miat ka jylla, ong u Conrad

Shillong, Rymphang 14: U Myntri Rangbah ka Jylla u Conrad K. Sangma ha ka sngi Saitjaiñ, ula leit ban iashimbynta kum u kongsan ha ka jingpynhab pyrda noh ia ka 56th Annual Koch Conference kaba la long ha Belbari, South West Garo Hills district bad ha kane ka prokram la donlang u MDC ka Betasing u Sanjay Koch kum u symbud kongsan ryngkat u Deputy Commissioner ka South West Garo Hills, Anendya Raajsshre bad kiwei kiwei kiba la shah khot sngewbha.

Kane ka jingialang kaba 3 sngi ka dei kaba la sdang naduh ka 12 tarik u Rymphang bad la pynkut noh ha ka sngi Saitjaiñ da ka jingiashimbynta ki nongialam shnong, ki nongshah khot sngewbha bad ki dkhot jong ka jaidbynriew Koch na kylleng ka thain bad ha kane ka prokram ka Meghalaya Koch Association ka la aiti ia ka dorkhas ha u Myntri Rangbah ka jylla na ka bynta ki jingdonkam bapher bapher.



Ki jaitbynriew Koch ba aiti dorkhas ha u Myntri Rangbah.

Ha kane ka sngi kum u kongsan haba kren ha ka jingialang, u Myntri Rangbah ula pynpaw halor ka jingriewspah ka rilum Garo ha ka jingdon ia ki jaidbynriew kiba don ia ki kolshor, riti dustur bad ki niyam bapher. Ula banjur ba man la ki jaidbynriew ki la noh synniang na ka bynta ka jingkiev bad ka roi ka san jong ka thain da kaba buh hakhmat eh ia ka bha ka miat jong ka jylla.

"Wat hapdeng jong ka jingdon ia ki jaidbynriew bapher, hynrei ngi dei hi na kajuha ka jylla bad na kajuha ka ri bad kane ka jingiatylli jong ki jaidbynriew bapher kadei ka jingkhlain kaba khraw tam," ong u Conrad bad ong da ba bynrap ba ka sorkar ka la iai bud beid da kaba ai kyllum ia baroh bad ka iengskhem ha ka jingkular ban burom bad ban kyrshan ia baroh ki jaidbynriew.

Shuh shuh ula ong, ba ka sorkar ka la iai bteng ban ai jingkyrshan ia ki jaidbynriew bapher na ka bynta ban tei ia ki jingtei bapher, ban kyntiew ia ka kolshor, ban pynneh pynsah bad ban don ruh ia ki prokram ban sam mar kylliang ia ki jingtip.

Na ka liang u Myntri Rangbah u la kubur ruh ia ki jingeh kaba mad da ki rit paid bad ula ong, ba ka sorkar ka sngewthuh bha ia ka jingsngewkhia ka jong ki bad ka bynrap ba ki jaitbynriew Garo, Khasi bad Jaintia ki dei kiba beh paid ha ka jylla, ki dei pat ki rit

Bteng sla 5

Na Tripura iohkem ki pulit ia u nongialam ban pyniap ia u dkhot ka ACHIK ha Rajabala

Shillong, Rymphang 14 : Ki pulit jong ka West Garo Hills ki la iohkem ia uwei uba la phet rieh sha Tripura uba don bynta hakhmat eh halor ka jingshah pyniap u dkhot ka ACHIK ha ka shnong Goalgaoon hapoh jong ka Rajabala ha u bnai Kyllalyngkot. La iathuh ba une u dei uwei na ki nongialam ba hakhmat hakhmat eh halor katei ka jingia. Da ka jingioh kem ia une, mynta ka jingshah kem baroh kala kot sha ka 13 ngut.

Ha katei ka jingia, la shim ia ka jingim jong u dkhot ka seng ACHIK bad kane ka la pynmih ka jingiakynad ha ka thain Rajabala ha u bnai bala dep.

Ki pulit ki la iathuh, ba u Mozidul Islam uba na

Bteng sla 7

Ym ka jingdonkam ban phah hiar shuki ia u Myntri Rangbah, ong ka BJP

Shillong, Rymphang 14 : Ka Meghalaya State BJP ka la pynpaw ba kan iai ap ia ka jingtohkit (judicial enquiry) ba la thung da ka sorkar jylla haba iadei bad ka jingia bthei dynamite ha Mynsgat, East Jaintia Hills, hapoh ka par dewiung beain kaba don ha Thangsko bad ong ruh ba kaei kaba donkam eh ka dei ka kam ym ka jingdonkam ban phah hiar shuki ia u Myntri Rangbah ka jylla u Conrad Sangma.

Ia kane na ka liang ka BJP lyngba u Nongaitien ka State BJP u Bah M K Kharkrang, u la ong ha ka

Bteng sla 7

Sha u Narendra Modi uyor ki trai shnong Daistong ban pynsangeh ia ka Public Hearing ba be-ain

Shillong Rymphang 14: Palat 200 ngut ki nongshong shnong ka Daistong, East Jaintia Hills, ki la iasoi bad phah da ka jingthoh sha u Myntri Rangbah duh ka ri u Narendra Modi bad sha u Myntri Kam Pohiing ka ri u Amit Shah na ka bynta ban phah pynsangeh ia ka Public Hearing halor ka jingthmu ban seng ia ka karkhana dewbilat jong ka Shree Cement Ltd.

U Ma Reachingson Siangshai u nongtrei mon sngewbha, haba kren na ka bynta ki nongshong shnong ka Daistong mynta ka Sngi Saitjaiñ ha Shillong Press Club, ula ong ba ia ka Public Hearing ha ka 19 tarik u Nohprah 2025 la dei ban pynsangeh namar ba ka Dorbar Shnong ka la ai ia ka no-objection certificate (NOC) bad soi ia ka jingiatehular bad

ka kompani, khlem ka jingtip jong ki nongshong shnong.

Ula ong, ba ia kitei ki kot ki sla ym shym la pyni sha ki nongshong shnong. "Ka jingiateh kular ka dei kaba ki paidbah nongshong shnong kim don jingtip eiei" ula ong.

Kane ka kynhun ka la maham ba kan ktah ia ka sawdong sawkun jong katei ka thain. Ka jaka kaba la thmu ban seng ia ka karkhana ka dei hajan jong ka Krem Lait Prah bad Krem Labit, kaba dei ka krem kaba jrong tam ha ka ri India bad ha ka dewbah South Asia, ha kaba ki dohkha phylla kiba matlah ki dei kiba la lap na katei ka krem. "Lada ngi ailad ia ka karkhana pynmih dewbilat, baroh kitei kin sa shah pynjulor lut" ong u Bah Siangshai.

Bteng sla 5

Shongshit ka jingiakob pyni khunlung bad Master Chef

Da ka Mi-kari festival pynlong ka SWGH ban wanrah ka jingiatylli bad pynneh ia ka tynrai



Uwei na ki samla uba dang pdiang ia ka syrnod ha ka Mi-kari festival kaba long ha Ampati. (Dur: Synniang)

Shillong, Rymphang 14 : Ki bor pyniaid distrik jong ka South West Garo Hills ki la pynlong da ka Mi-kari festival kaba arsingi kaba long ha madan Ampati ha ka 14tarik mynta u bnai da ka thong ban wanrah ka jingiatylli bad ka jingiatrei lang bad khamtam eh ban pynneh ia ka tynrai.

Ka thong ba hakhmat eh jong ki bor distrik ka South West Garo Hills ka long ruh ban sei pyrthei ia ka jinglong

tynrai jong ka distrik, nangta ki jingialehka tynrai, ki sap kyrpang ba ki nongshong shnong ki don bad khamtam eh ban wanrah ka jingiatylli lang ha ka distrik baroh kawei nalar ba la ailad ia ki riew donsap, ki nongtrei kam lajong ban pyni ia ka jingbit jong ki.

Ha kine ki sngi ki paidbah ki ioh ruh ia ka lad ban pyni nam ia ki syntiew ba mi ha ka thain, ki jingialehka tynrai kaba

pynim biang ia ka mynnor lyngba ki jait jingialehka bad ka jingiakob pyni khunlung kaba pynshur ia ka imlang sahlang ban sumarkher ia ki khun ha ka rukom kaba shait kaba khlain.

Nalorkata, la don ruh ka jingiakob shet lane ka Master Chef Ampati ha kaba ki nongshet na kylleng ka distrik ki wan ban iakob. La pynshongshit ruh ha kane ka

Bteng sla 7

Jah u samla Wallamphrang Khongsit naduh 10tarik

Shillong, Rymphang 14 : Ka ophis jong u Superintendent of Police, East Khasi Hills District, Shillong ki la pyntip ba uwei u samla ba tip kyrnteng kum u Wallamphrang Khongsit, 24 snem ka rta ba dei u khun jong i Kong Basuklang Marbanianang na Pdengshnong, Sohra u la jah na Arwah Sohra naduh ka 10tarik mynta ha ka por 6:00 baje ei ei janmiet.

Katsum ka kyrwoh na ki pulit la iathuh ba une u

Bteng sla 7

Sha u myntri ka sorkar pdeng ai jingthoh u MP ka Shillong ban ym ithuh ia ka Public Hearing ka Shree Cement

Shillong, Rymphang 14 : U MP jongka Shillong Parliamentary Constituency u Dr Ricky AJ Syngkong u la ai da ka jingthoh sha u myntri ka sorkar pdeng uba dei peit ia ka tmad Environment, Forest bad Climate Change u Bhpender Yadav na ka bynta ban ym ai bor ne shah ia ka Shree Cement Ltd ban seng ia ka karkhana ha ka shnong Daistong, East Jaintia Hills da kaba ong ba ka Public Hearing kaba la dep pynlong kam

long kat kum ki lynti ka ain bad nalar kata lada seng ia kane ka karkhana kan ktah ym tang ka tdem hynrei wat ia ki jaka puta jong ki trai ri trai muluk ruh.

Ha ka shithi u la pynpaw ba dei ban pynsangeh mardor ia kane ka kam katba ym pat dep bishar bniah ia ka Public Hearing kat kum ka 2006 EIA Notification, ban iaid ki jingpynshisha kat kum ka Sixth Schedule bad kumjuh ruh ka Meghalaya Transfer of

Land (Regulation) Act 1971.

"Ia ka public hearing la pynlong ban ioh iashim bynta ki paidbah shwa ban ioh kino kino ki jingmynjur na ka sorkar pdeng bad lada don kano kano ka jingkyrnoh ba ka don ka jingpynkheih kyndon donkam ban iaid da ka jingbishar bniah shwa ban pyniaid shakhmat ia ka kam" ong u Dr Syngkong.

Ki trai shnong Daistong ki la ai da ka jingthoh sha u

Bteng sla 5

Haduh 5 sngi bishar kam ka kynhun NLM ia ki jingtrei ka Animal Husbandry & Veterinary Meghalaya

Shillong, Rymphang 14: Ka tnat Animal Husbandry & Veterinary, ka sorkar Meghalaya ka la pynlong ia ka jingialang batai lyngkot ia ki kam ki jam bad ki jingtrei jong ka tnat ia ka kynhun jong ka National Level Monitoring (NLM) Team kaba wan na ka sorkar pdeng ban bishar ia ki kam haduh 2 sngi, New Delhi, hapoh ka ophis jong Director, Animal Husbandry & Veterinary Department.

Ia ka jingialang la pyniaid da ka Dr. (Ms.) A. Chyne, Director, Animal Husbandry & Veterinary Department, ha ka jingdonlang Dr. M.D. Sharma, (ISS) Deputy Director & Nodal Officer for Central Sector Scheme, ha ryngkat ki heh ophisar ka tnat bad ki nongmihkham na ki shnat ba pyntrei ia ki kam.

Na ka liang ka National Level Monitoring Team, kiba iadonlang ki kynthup

ia Dr. Mihir Mondal (NLM, DAHD) bad Dr. Mahesh Katara National Level Monitoring ba la pynbeit da ka DAHD ban wan jingoh ia ka jylla ban bishar bad shim jingkhieih halor ki jingiaid beit iaid ryntih jong ki skhim ba la bei tyngka da ka sorkar pdeng ba la pyntreikam da ka tnat.

Ki 4 tylli ki skhim kiba don kiba la bishar kam ki long ka Rashtriya Gokul Mission

Bteng sla 7

Don haduh 38 tylli ki skul EMRS ha ka kylleng ka jylla baroh kawei, ong u Conrad

Shillong, Rymphang 14: U Myntri Rangbah ka jylla u Conrad K. Sangma u la plie ia ka Eklavya Model Residential School (EMRS) ha Samanta, Rikwarenggre ha East Garo Hills district, ha kaba kane ka long ka dak jong ka jingsdang ka snem pule jong kane ka jaka pule.

Ia ka programme la ha shim bynta lang da u Marcuse N. Marak, Myntri ka tnat Housing, PHE Department bad Soil & Water Conservation, bad kiwei

kiba la shah khot sngewbha.

Ka programme ka la sdang da ka jingregister ia kiba shim bynta, kynthup ki khynnah pule EMRS, ki kmie ki kpa bad ki nongialam. Ia u Myntri Rangbah bad kiwei ki heh ki hain la synran bad ilam sha ka jaka ba la pynkhreh da ki nongshad Wangala, ba la pynbud da ka jingplie pyrda ia ka jingthoh buh sah kynmaw.

Ha ka jingkren u Myntri Rangbah u la batai

ia kane ka jingplie kum ka jingsah kynmaw bad ka sngi kaba don burom kaba long ruh sa kawei ka sak kaba kongsan kaba iadei bad ki jingtei ka jylla ia ka pule puthi.

Haba phai dien ia ki jingiohi jngai jong u late P. A. Sangma bad ka jingngeti kaba jylliew ha ka pule puthi, u la ong ba kine ki jingpyrshang kiba dang iaid ban pynkylla bad wanrah thymmai ia ka jingpyniaid kam ha ka pule puthi jong

ka jylla ka la pynlong ia kane ka jingplie kaba kham don jingmud shuh shuh.

Haba banjur ia ka jingkongsan jong ka pule puthi, u la ong ba ka pule puthi ka dei ka agent kaba khraw bha na ka bynta ka jingkylla bad ka jingwanrah ka roi ka san kaba khraw ia ka ri, ka jylla bad ka imlang sahlang, bad bynrap ba da ka jingpynlut ha ka pule puthi kaba bha ha ki skul bad ki college na ka bynta ki

Bteng sla 7

Buh thong ka sorkar pdeng ba ha u snem 2047 ka India kan kiew ha baroh ki liang, ong ka BJP



U Bah Sanbor ba dang pynkupburom ia u nongialam ka BJP.

Shillong Rymphang 14: U nongialam ka BJP u Devesh Kumar uba la wan sha Shillong ban pynshai paidbah haba iadei bad ka mang tyngka jong u snem

Bteng sla 7

Paw bha ka Meghalaya ha ka NE Regional Skill Competition, khur bun ki nam lahdudh

Shillong, Rymphang 14 : Ka Directorate of Employment & Craftsmen Training kaba hap ha ka Department of Labour, Employment & Skill Development ka la pynbna ia ka kyrnteng ki nongjop ha ka jingiakob pynmih sap ba la tip kum ka North East Regional Skill Competition 2026, ha kaba ka Meghalaya ka la dei ka jylla kaba paw bad lehba ha kane ka lypmupng iakob kaba heh jong ka thain shatei lam-mihngi jong ka Ri.

Baroh ki la don haduh 22 ngut ki samla pule na ka jylla kiba shim bynta ha katei ka jingiakob kaba long haduh san sngi ha nongbuh Guwahati naduh ka 18 tarik

tad haduh ka 22 Kyllalyngkot mynta u snem. Kane ka kynhun ka la aireng bad iakhun ha ki 12 tylli ki jait jingialehka.

Kane ka jingiakob ka ynthup naduh ha ka liang ka thup - Automobile Technology, Electrical Installations, Cooking, Beauty Therapy, Fashion Technology, Digital Interactive Media, Graphic Design Technology, Carpentry, Floristry, Cloud Computing, Restaurant Service bad Bakery.

Lyngba ka kyrwoh, la ong ba ki don bun bha ki samla pule na ka jylla kiba la khur ia ka nam lahdudh ha katei ka lypmupng iakob.

Bteng sla 7

Amul Milk

Happy Maha Shivratri

AMUL DOODH PEETA HAI INDIA